

Urbes.

*Contestani* Ptol. a quibus *Contestania* Hispaniæ Terraconensis Regio apud Plinium: horum memoria servatur hodieque in Opido *Contayna*, vel ut aliis effertur *Contentaina* ad fontem ejus amnis, cujus ostio adpositum videtur Opidum *Oliva* contra Pytiulas insulas. *Lusones*, quos ad Iberum fluvium ponit Appianus in Ibericis, Numantinis vicinos: ad Tagi fontes pertingere scribit Strabo. *Lobetani*, quorum Metropolis *Lobetum* Ptolemæ, quam Beuterus scribit antea *Turiam*, postea *Averazin*, tandemque, ut hodieque, *Albarrazin* dictam, *Boleta* Appiano in Ibericis, Saguntinis vicini, a quibus *Turbula* Ptolemæo, *Torres* hodie fortean. *Celiber* ut eos appellant Plinius lib. III cap. III. Pomponius Mela lib. III cap. I. ceterique Latini; qui *Celiber* Ptolemæo, quidam Castellæ Veteri adscribunt, plerique Valentia. Inter Regni hujus urbes *Valentia*, *Valencia* vulgo, primaria est ac sedes Episcopalis, Regi Romæ primordia sua fert accepta, ut scribit Vasaus atque alii, quam ab eo Romam appellatam, Romani multo posterius amplificatam & nobilitatam Valentiam appellarunt, vocabulo idem significante. At Resendio hæc fabula videtur, qui eam a Lusitanis cæterisque Viri militibus conditam & nominatam tradit. Sita est in intimo Sinus Sucronensis recessu ad dextram fluvii Turia ripam. Hæc Moribus & Institutis clara; Disciplinis liberalibus exulta; Mechanicis artibus nobilis; magni Ingeniis felix, Pacis Concordiæque Cives inter servandæ studiosissima; multorum Equitum splendore illustrata; Mercatorum commerciis dives. Silentio non prætereundum quod de Valentinis notat L. Marinæ Sicularius: iis in more positum esse singulis annis, festo D. Matthiæ, fufis precibus factisque obsecrationibus, ad locum supplicii destinatum ire, ibique Damnatorum corpora, sive suspensa sint, sive humi jaceant, suscipere, ossaque sparsa colligere; mox autem omnia feretris imposita ad commune Civibus omnibus sepulchrum devecta honorifice, Sacrificiis Orationibusque peractis, terræ mandare. Memoriæ prodit Petrus Melitenensis esse in hac urbe supra decem millia puteorum Aquæ Vivæ. Stetit olim ad ripam Turia sinistram, hanc procul Valentia (Strabo lib. III, Pliniusque III cap. III, mille passibus ab Mari separant) *Saguntum* Heditanorum urbs Ptolemæo: *Saguntus* Straboni, *Zacynthus* Stephano: *Secundum* & *Secuntum* vitiole apud Antoninum. Hodie putatur a plerisque *Morvedere*, sic dictum, ut quidam censent, ab *Muris Veteribus*. *Zacynthorum* *Coloniæ* facit Appianus, quidam *Saguntum* Herculis filium conditiorem opinantur: sunt & qui ab *Sagis Ibericis* nomen accepisse volunt. Situm describit Silius Italicus lib. I. Sagunti Muris Cæmenta tribuit Livius lib. XXX, quæ calce durata erant, sed interlita luto, structuræ antiquæ genere. Constat ex Plinio Saguntinos olim coluisse Dianam, eodem ab Zacynthis ipsorum Progenitoribus, advectam: annis ducentis ante excidium Trojæ, *Saguntus*, fide & ærumnis inculta, Pomponio Melæ. De expugnatione urbis nobilissimæ cladeque, quæ ob admirabilem constantiam, & egregiam in Romanis fidem incidit in annum ab V. C. IXXXV M. Livio Salinator, L. Emilio Paulo COSS. consulendi Livius lib. XXII, Polybius lib. III, Orosius lib. 4. cap. 14. Eutropius lib. 3. Florus lib. 2. Histor. Rom. cap. 6. Silius Ital. lib. I. Valerius Maximus lib. 6. cap. 6, Augustinus lib. 3. de Civitate Dei, cap. XX, Auctor de VV. Illustr. cap. 42. Æmilius Probus in Annibale, Cicero in Philippicis, & qui non, Non